



PANDUAN PEPERIKSAAN MEMASUKI PERKHIDMATAN

PENOLONG PEGAWAI BELIA DAN SUKAN GRED S27



**BAHAGIAN PEPERIKSAAN
SURUHANJAYA PERKHIDMATAN AWAM
MALAYSIA**

Pendahuluan

Peperiksaan ini bertujuan mengukur daya pemikiran serta kebolehan calon mengaplikasi maklumat yang diperolehi melalui latihan akademik, bacaan dan pengalaman. Calon-calun yang menduduki peperiksaan adalah dari pelbagai jurusan. Maka, soalan-soalan yang dikemukakan meliputi pelbagai bidang dan mempunyai skop yang luas.

Matlamat peperiksaan ini adalah untuk mengukur kematangan pemikiran calon agar sesuai dengan kualiti serta potensi untuk dilantik sebagai Penolong Pegawai Belia Dan Sukan Gred S27.

Peperiksaan ini melibatkan dua seksyen iaitu Seksyen A dan Seksyen B. Setiap kertas adalah penting untuk prestasi mengukur calon. Calon-calun perlu menunjukkan prestasi yang baik bagi kesemua kertas.

Kelulusan peperiksaan ini merupakan satu daripada syarat lantikan ke skim tersebut. Calon-calun yang memenuhi syarat-syarat lain yang ditetapkan oleh Suruhanjaya Perkhidmatan Awam Malaysia termasuk lulus '*Assessment Centre*' akan ditemuduga.

Panduan Umum Peperiksaan Memasuki Skim Perkhidmatan Penolong Pegawai Belia Dan Sukan Gred S27

1. Pada hari peperiksaan calon hendaklah **membawa**
 - (i) Surat Panggilan Menduduki Peperiksaan.
 - (ii) Kad Pengenalan.
 - (iii) Pensel 2B, pen dan pemadam lembut.
 - (iv) Peralatan lain yang difikir perlu.

2. Calon perlu berada di pusat peperiksaan **tiga puluh minit** sebelum peperiksaan dimulakan.

3. Calon perlu mematuhi arahan Ketua Pengawas.

4. Calon **tidak dibenarkan** berkomunikasi dengan calon-calon lain. Sila angkat tangan jika ada masalah atau sebarang pertanyaan.

5. Calon hanya boleh meninggalkan pusat peperiksaan **tiga puluh minit** selepas peperiksaan dimulakan.

6. Jawapan hendaklah dibuat dalam
 - (i) Kertas OMR - bagi Seksyen A dan B

7. Nombor Kad Pengenalan pada kertas jawapan hendaklah **sama** seperti dalam Surat Panggilan Menduduki Peperiksaan.

8. Rujukan kepada mana-mana bahan adalah **tidak** dibenarkan.

9. Calon mesti **berpakaian kemas**, sopan dan tidak menjolok mata.

10. Penggunaan mesin kira adalah **tidak** dibenarkan.

Sukatan Peperiksaan Memasuki Skim Perkhidmatan Penolong Pegawai Belia Dan Sukan Gred S27

Peperiksaan ini terdiri daripada :

BAHAGIAN I – KECENDERUNGAN

Bahagian I (Kecenderungan) dibahagikan kepada dua seksyen iaitu:

- (i) Seksyen A - Pengetahuan Am Tentang Malaysia dan Dunia
- (ii) Seksyen B - Daya Menyelesaikan Masalah

SEKSYEN A – PENGETAHUAN AM TENTANG MALAYSIA DAN DUNIA

Masa : 30 minit

Bilangan Soalan : 40 soalan

Seksyen ini menguji pengetahuan dan tahap kesedaran calon terhadap perkara-perkara yang mengupayakan pembangunan belia dan sukan yang terbilang, dasar-dasar awam, hal-ehwal kenegaraan, kepimpinan, rekreasi, pengurusan teknologi maklumat serta komunikasi dan lain-lain perkembangan semasa dan dunia amnya.

Contoh Soalan Pengetahuan Am

1. Malaysia pernah menjadi tuan rumah kepada satu temasya sukan yang berprestij dan bertaraf dunia pada tahun 1998. Apakah temasya sukan tersebut?
- A Sukan Olimpik
 - B Sukan Paralimpik
 - C Sukan Malaysia (SUKMA)
 - D Sukan Komanwel

Jawapan : D

2. Kuasa tertinggi pentadbiran negara adalah
- A Perdana Menteri.
 - B Majlis Raja-Raja.
 - C Yang di-Pertuan Agong.
 - D Perlembagaan Malaysia.

Jawapan : D

SEKSYEN B – DAYA MENYELESAIKAN MASALAH

Masa : 35 minit
Bilangan Soalan : 30 soalan

Seksyen ini mengukur daya menyelesaikan masalah calon dengan menggunakan item-item yang berkonsepkan perkara-perkara berikut:

- (i) Kemahiran Logik Menggunakan ;
- (ii) Kemahiran Menginterpretasi data; dan
- (iii) Konsep Matematik.

(i) Kemahiran Logik

Dalam seksyen ini calon dikehendaki menggunakan kemahiran logik untuk memilih jawapan yang tepat atau mengenal pasti jawapan yang salah.

(ii) Kemahiran Menginterpretasi Data

Beberapa masalah akan dikemukakan menggunakan pelbagai perangkaan dan calon dikehendaki menganalisa data-data tersebut untuk menyelesaikannya. Bagi memudahkan calon menjawab, penggunaan graf, jadual dan sebagainya digalakkan.

(iii) Konsep Matematik

Konsep Matematik yang digunakan termasuklah kemahiran *numeric* serta kuantitatif untuk mengukur kemahiran asas Matematik, pemahaman konsep dan kebolehan untuk berfikir secara kuantitatif.

Contoh Soalan Daya Menyelesaikan Masalah

1. Hitungkan jumlah bagi nilai digit angka 7 dan 6 dalam nombor 78 624.

- A **70 600**
- B 7 600
- C 760
- D 76

Jawapan : A

Teknik menjawab

$$\begin{array}{r} 78\ 624 \\ 70\ 000 \\ \underline{\quad 600} + \\ \hline 70\ 600 \end{array}$$

2. Yang manakah tidak benar?

- A $2/5 = 0.4$
- B **$1/8 = 0.8$**
- C $3/10 = 0.3$
- D $17/10 = 1.7$

Jawapan : B

Teknik menjawab

$$\begin{array}{l} 2/5 = 0.4 \\ \mathbf{1/8 = 0.8 (0.125)} \\ 3/10 = 0.3 \\ 17/10 = 1.7 \end{array}$$

Panduan Menjawab Soalan

Nasihat-nasihat berikut diharap dapat membantu calon-calon dalam peperiksaan ini.

Soalan Objektif

(Soalan-soalan Seksyen A dan B)

- (a) Calon perlu peka bahawa kesemua calon yang menduduki peperiksaan ini adalah dari pelbagai bidang akademik. Soalan-soalan yang dikemukakan juga meliputi kesemua bidang akademik. Oleh yang demikian, terdapat beberapa soalan yang berkemungkinan sukar untuk individu tertentu menjawab kerana berada di luar bidang pengkhususan. Soalan-soalan tersebut, walau bagaimanapun, mungkin sesuai untuk calon lain yang berpengetahuan dalam bidang tersebut. Oleh itu, jika terdapat soalan yang tidak boleh dijawab dinasihatkan agar calon tidak membuang masa dan terus menjawab soalan-soalan yang berikutnya. Apabila masa mengizinkan kembali kepada soalan tersebut.

- (b) Soalan objektif adalah soalan aneka pilihan, **4 opsyen** jawapan dikemukakan dan calon perlu **memilih 1 jawapan** sahaja. Jawapan yang diberi hendaklah betul dan merupakan jawapan yang paling tepat. Oleh itu, calon-calon hendaklah membaca dan mengkaji kesemua opsyen yang dikemukakan.

- (c) Bagi merekod jawapan, calon dibekalkan borang khas yang akan diproses menggunakan komputer. Ditegaskan agar calon menggunakan **pensil 2B sahaja**. Sekiranya calon menggunakan alat tulis yang lain seperti pen, jawapan calon tidak diambil kira kerana komputer tidak dapat memprosesnya. Jika calon perlu membuat perkiraan, jawapan contoh dan sebagainya, gunakan kertas lain atau buku soalan. Borang yang dibekalkan adalah khusus untuk merekod jawapan.

Penutup

Calon sekali lagi dinasihatkan supaya cuba mendapatkan markah yang terbaik. Jika lulus, calon mungkin berpeluang untuk dipanggil temu duga. Ini bermakna peluang untuk dipertimbangkan ke jawatan Penolong Pegawai Belia dan Sukan Gred S27 adalah lebih baik.

“Selamat Maju Jaya”

Bahagian Peperiksaan Suruhanjaya Perkhidmatan Awam Malaysia